

مستطابق

در سعادته باب عالی جاده سنده
اداره مخصوصه
محل اداره :

انظار :
مسلمانه موافق آثار جدید مع المنزیه
قبول اولنور
درج ابدله بن آثار اعاده اولغاز

دین ، فلسفه ، ادبیات ، حقوق و علوم دین باحث هفته لقا رساله در

مؤسسه : ابوالعلا زین العابدین - ح . اشرف ادیب

سنه لک	القی آیلمی	درسه دتده
۶۰	۳۰	ولا یاتده
۸۰	۴۰	مملک اجنبیه ده
۸۰	۴۰	

تاریخ تاسیسی :
۱۱ خمر ۳۲۴

در سعادته نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ فروش فضله آلنیر

در سعادته پوسته ایله کوندریلیرسه ولایات بدلی اخذ اولنور.

مدينه ده صوبي كور برقويونك اسمي در . بونك اوزرينه اوايكي كشي رسول اكرمك كنديلري ايجون امر ايتديكي طعام اسامه نژنده موجود اولوب اولديغني اكلامق ايجون حضور نبوي به كنديلر . داخل بزم سعادت اولدقلرنده بن سرك اغزيكزده ات قاراريسي كوريورم بيورلدي . آنلر بزم بوكون يارسلو الله ! ات يمدك ديمريله نبي ذیشان افندمر : سز اسامه ايله سلمايك اتی يديكز . يعني آنلري غيت ايتديكز بيوردي وبوآيت كريمه نازل اولدي .

بركت زايده : اسماعيل هقي

رد اباطيل

- ۲۶ نجی نسخہ دن ماہد -

بناء عليه بوكون اليمزده كي قرآن كريمك حضرت پيغمبر افندمر ك امته تبليغ بيورمش اولديني قرآنك عيني اولوب آندن بركله فضله ويا نقصان اولديغنه دليل قطعي مز بروجہ بالا بونك اول حضرتدن بزمه تواتر نقل ايدلمش اولميسدر ، يعني وقت رسالتدن زمانمزه قدر هر عصرده كذب اوزرينه اتفاقلريني عقلك تجويز ايدميه جكي جماعت قراو حفاظك متسلسلاً نقل وروايتريله بزمه واصل اولمش بولنميسدر . يوقسه وقيته مصاحفده يازلمش اولسي دكلدر . چونكه يالكز كتابت بر كتابك الى الابد محفوظ قلمسنة كفايت ايتمز ، اما بر كتاب بويله هر زمان بيكلرجه قلوب امتده محفوظ اولور ايسه آنك تحريفه امكان بولمه ماز . بالفرض تحريف اولنسه ، حافظلري طرفندن در حال تصحيح اوله جني هر كسك معلومي اولديغندن هيچ كيمسه آنك تحريفه جسارت ايدمزه ، ايسه بيله ، هيچ برحكي اوله ماز . چونكه در حال تصحيح اولنور .

بونك ايجوندر كه علم قرائتده دخي من القديم قرآنك نقل بالتواتر جهتي فوق العاده التزام اوله رق آكا كوره سلسله نامهل تنظيم ايدلمش و علم قرائتدن اخذ اجازته موفق اولان حملاه قرآنك سلسله نامهلرنده تا حضرت پيغمبره منتهى اولنجيه قدر راويلرك اسملري يازلديني كبي عدد روايك كذب اوزرينه اتفاقلريني هيچ بر عقلك تجويز ايدميه جكي درجه ده حد تواتره بالغ اولديني كوسترلمشدر .

علم اصول فقهده دخي قرآن كريم ، « طرف الهيدن افندمره منزل و آندن بزمه تواتراً منقول بر نظم شريفدر » ديه تعريف اولمش و بر نظم منزلك قرآنيتسده نقل بالتواتر ك شرط اولديني صراحة ذكر ايدلمش وبوكا بناء حضرت رسولدن ينه قرآن اولق اوزره بزمه نقل وروايت اولنوبده راويلرينك عددي حد تواتره بالغ اوليان برلظمه قرآن نامي ويريوب او كبي نظميره قراآت شاده تسميه ايدلمشدر .

شو مقدمات معلوم اولدقده ديرزكه : قرآن كريمك يالكز كتابتيله اكتفا ايدليوب نزولي زمانندن اعتباراً بوآنه قدر تلاوت وحفظنه ده صوك درجه اعتنا ايديله كلكديكي وديانك هر طرفده مليونلرجه اهل اسلامك السنه سني وهر عصرده كذب اوزرينه اتفاقلريني عقلك اصلا

بونك اوزرينه جناب فاروق او آدمي توبه ايتك شرطيله بر اقدی . مسئله تجسسك تفصيلي ايتمين كتب فقهه مراجعت ايتسون .

اغتيال و غينك كسريله غيت : بر كيمسه نك غيابه ده موجب شرم و حيا حالي سويله مكدر . اكر او كيمسه ده بوسويله ن شى يوق ايسه اكا « بهستان » دينور . غينك قنچي ايله « غيت » غيوت معناسنه اولديغندن بوني اغتيال معناسنده استعمال ايتك غلطدر .

شوراسي ده بيلنملي دركه غيت نه قدر فطيع و شنيع ايسه اتی استماع ايتك ده اونستنده فطيع و شنيعدر . غيتي استماع ايدمك غيت ايدندن هيچ بر فرقي يوقدر . سرور انام عليه الصلاة والسلام افندمر « المتعاب والمستمع شريكان في الاثم » بيورمشلردر .

بعضلري : بر كيمسه نك معاييني تأسف صورتيه نقل و حكايه ايتك غيت عد اولنماز رآينده بولنديلر . بعضيلري : « اذكروا الفاجر بما فيه لكي يحذره الناس » حديث شريفي ايله استدلال ايدرك هتك پرده حيا ايدن فسقه و فجرة دن ناسي تحذير ايجون بوقيل كيمسه لرك مساويستي ذكر ايلمك غيت دكلدر ديدلر . مسلك احتياطة سلوك ايدنلرده خلقي معايب و مساويستيله ياد ايلمكي لسانلرندن طرح ايتديلر . بورأي و ذهابلردن هر برينك وجهي و تطبيق اولنه جق محل مخصوصي واردر . ولكل وجهه هو مولها — والله يعلم المفسد من المصلح .

شاعر شهير واصفك شو بيتي بوراده خاصة شايان ذكردر :

غيرت قومور ديرده ايدر غيته آغاز

افشاي عيوب ايتمه مي در غيرت احباب

مرويدر كه سلطان دو عالم صلى الله عليه وسلم افندمر بر غزايه چيقدني ويا بر محله مسافرت بيوردني زمان معيت سنيه لرنده احتياجي اولانلردن بر كيمسه يي وقت و حالي مساعد بولنان ايكي كشينك يانه قاتار ايدى . او كيمسه ده يو ايكي كشينك خدمتده بولنور وقوناق محللرينه اولجه كيدوب آنلرك ييه جك وايجه جكلريني حاضرلارايدى . بعض اسفار نبويه ده سلمان فارسي رضي الله عنه حضرتلري ايكي نفر كيمسه نك يانه ترفيق بيورلديغندن اثناء راهده بر كون سلمان حضرتلري بر قوناق محله اولجه كيمش فقط اويقوسي غلبه ايتديكندن برشي حاضرلايه ماش ايدى . او آدملر كلوبده سلمايك كنديلرينه برشي تدارك ايدمديكني كورنجه نزد نبوي به كيت ، بزمه طعام ايسه ديدلر . سلمان حضور رسالتما به كيدوب عرض كيفيت قلدقده اسامه بن زيد رضي الله عنهم يانه كوندردلدي وطعامدن ارتمشه سكاو پرسون بيورلدي . اسامه رسول اكرمك و كيلخرجي ايدى . سلمان حضرتلري قالقوب اسامه نك يانه كتدى ، اسامه برشي قلددي ديه جواب ويردي سلمان حضرتلري كلدي او ايكي كشي به اولاني خبر ويردي . آنلرده اسامه نژنده فضله طعام واراكن بخل وامساك ايتدي ديدلر و تكرار سلماني بعض صحابه نك يانه كوندردلر . آنلرده ده برشي بوله مديغني دونوب كنديلرينه سويله نجه سلماني « سميحه » قويسنه كوندرسه ك صوبي چكيلور ديه چكشديرديلر . اسم تصغير صيغه سيله سميحه :

تجویز ایتیمه جکی حمله قرآنك افنده سنی تزیندن بر آن خالی قالدینی جهانك معلومی ایکن امیر خان جنابلرینك قرآنده تحریف وقوعنی ادعا ایتیمی و بو دعواسنه بر چوق وجوه باطله ایله استدلاله قیام ایلمسی پك عجیب بر مناظره تشکیل ایتکده در . بو ، عادتاً بر امر محالك وجودینی ادعا قیلندندر . چونکه قلوبك محل تحریف اوله میه جغنی بیانه حاجت یوقدر . مصاحف شریفه ایسه دائماً او قلوب منوره اصحابك تحت نظر تنده بولنه کلدیکدن انلرده دخی اجرای تحریف امکان خارجنده در . امیر خانك بو دعواسنی اثبات ایچون سرد ایتدیکی وجوه فاسده نك برنجیسی [جمع قرآن] مسئله سیدر .

امیر خانك فکر نجه قرآنی کیمك جمع ایتدیکی معلوم دکل ایش ؛ چونکه بو خصوصده علمای اسلام کونا کون فکر لریازمش اولدقلرندن آنلر قرآنك فصل جمع ایدلیدیکی بیلیمورلر ایش و بوندن ده قرآنده بر چوق تحریفات و تغییرات بولندیفی ثابت اولیور ایش . بونه قدر ضریب بر استدلال !...

بر کره بونك قواعد منطقه ، اصول مناظره یه اصلاً مناسبت و موافقتی یوقدر . چونکه بر قرآنك تحریفدن مصون و محفوظ اولدیغنی . بو کتاب مبینك حضرت رسولدن هر عصرده کذب اوزرینه اتفاقلرینی عقلت اصلاً تجویز ایدمه میه جکی حفاظ کرامك متسلسلاً بزه نقل و روایت ایش اولملرله اثبات ایدیورلر .

یوقسه بر بودعواصری قرآنی فلانك ویا فلانك وفلانك مصاحفده یازمش اولسیله اثبات ایتیمورلر که امیر خانك بزه قارشو اولوجهله استدلالی قواعد منطقه و اصول مناظره یه موافق اوله بیلسون .

بونکله برابر جمع قرآن مسئله سی بتون تفرعاتیه علمای اسلامك معلوملریدر . زیرا بتون کتب احادیث و کتب سیر بو مسئله نك تفصیلاتیه مالیدر ؛ بو کتابلرک قرآنه عائد محیفه لری اوقونور ایسه ، کوریلور که شو مسئله حقنده طوغری اوله رق نه سویلمك و نه یازمق لازم ایسه کافه سی سوپلنمش و جمله سی یازلمشدر که خلاصه سی بوجه آتیدر :

حضرت علی و حضرت عثمان و معاویه و سعید ابن عاصك ایکی اوغلی خالد و ابان ، شرحیل ابن حسنه ، علا ابن الحضرمی ، زید ابن ثابت ، ابی ابن کعب (رضوان الله تعالی علیهم اجمعین) حضرت پیغمبرك وحی کاتبیری ایدیلر .

بو ذوات کرام پیدرپی نازل اولان سور شریفه قرآنیه یی آیری آیری محیفه لره یازیورلر و بشقه لری ده آنلردن استنساخ ایدیورلر ایدی . بناء علیه عصر نیده سور شریفه قرآنیه نك هربری بر کتاب مستقل کی یازلدی ؛ حضرت پیغمبرك بویه هر سوره یی آیری آیری محیفه لره یازدیرمسی ده قرآن کریمك بتون خالق نشر و تعمیمی تسهیل حکمته مبنی ایدی .

چونکه اگر اوزمان بتون سور قرآنیه مصحف واحده جمع ایدلسه ایدی هر جزئی یکر می محیفه اعتباریه اوتوز جزؤدن عبارت

اولان مجموع قرآنی یازمق و یا خود یازدیرمق پك آز کیمسه لره میسر اوله جغندن قرآن کریم بین المسلمین سرعتله انتشار ایدمه مز ایدی ؛ حالوکه بو کتاب مبینك بین المسلمین سرعتله انتشاری لازم ایدی . چونکه هرکس بش وقت نمازینی قرائت قرآن ایله ادا ایدمه جك و کندی نه لازم اولان وظائف دینی سنی قرآندن اوکر نه جك ایدی ؛ پوکا ایسه سور قرآنیه نك آیری آیری برر کتاب شکنده یازلمسندن بشقه ده کوزل بر تدبیر یوق ایدی . بناء علیه حضرت رسول علیه السلام بونلری اولوجهله یازدیردی . و فی الواقع بوسایه ده قرآن کریم بین المسلمین بر سرعت فوق العاده ایله انتشار ایتدی ، هرکس بونك تلاوت و حفظندن حصه یاب اولمغه باشلادی ، ودها زمان رسول اللهده ایکن بتون سور قرآنیه یوزلرجه حفاظ کرامك قلوبنی تزین ایتدی . و بوضورتله مجموع قرآن کریم هم صحائف متفرقه ده یازلمش و هم ده قلوب امتده حفظ ایدلمش اولدی ، و بوده هجرتك اونجی سنه سنده حج الوداعده جبل عرفاتده اقشام اوستی اوکله وایکندی نمازلری برلکده ادا ایدلکدن صکره موقوفه ایکن (الیوم اکملت لکم دینکم و اتممت علیکم نعمتی و رضیت لکم الاسلام دینا) آیت کریمه سنك نزولی ایله ختام بولدی . ایشته زمان رسول اللهده قرآن کریمك جمع ایدلمش اولمسنك معناسی بودر .

بوندن اوج آی صکره یعنی هجرتك اون برنجی سنه سی ربیع الاولنك اون ایکنجی بازار ایرتسی کونی وقت زوالدن بر آز اول حضرت پیغمبر ارتحال دار بقا بیوردی وهان او کون حضرت صدیق رسول اکرمه خلیفه تعیین اولندی .

بوننی متعاقب اطرافده ارتداد غائله سی ظهور ایتدی . فقط بعون خدا حضرت خلیفه بو غائله یی بش آلتی آی ایچنده بر طرف ایلدی . بو غائله ده اک شدتلی محاربه ده یمامه ده بنی حیفه قبیله سنك رئیس اولوب ادعای نبوت ایدن مسیلمه الکذاب ایله وقوع بولدی .

زیرا بونك باشنه قرق بیک قدر مرتد طوپلانمش و بناء علیه آنلرک اوزرینه سوق اولنان عسا کر اسلام عددجه آنلردن پك دون مرتبه ده بولندیی ایچون برقچ دفعه اهزاه اوغرامش ایدی . نهایت حضرت خالد ابن ولیددخی اولطرفه سوق اولندی . حضرت خالد اورایه واصل اولنجه طرفیندن غایت شدتلی هجوملر اجرا ایدلیدی . ابتدای هجومده ینه عسا کر اسلام بوزولدی ایسه ده بعده دونوب غایت شدتلی بر هجوم ده ایدلیدی ، مسیلمه الکذابک عسکری تار مار اولدی و بوضوره ده کندیسی ده مشهور وحشینك آتدیغنی بر حربه ایله قتل اولندی ، غوغا و غائله ده بیتدی . بو محاربه ده بنی حیفه نك تلفاتی یکر می بیکی واهل اسلامك شهداسی ایکی بیکی تجاوز ایلدی . صاغ قالانلرک اکثری دخی مجروح اولدیلر ، شهید اولانلر یاننده حضرت عمرک برادری زید و حضرت زبیرک برادری سائب و خطیب نبوی ثابت و مشاهیر قرادن سالم مولی ابی حذیفه کی بر چوق فقهای صحابه و یتمشدن زیاده قرا دخی داخل ایدی . بوقدر قرآنك بر محاربه ده شهید اولسی حضرت عمرک نظر دقتی

جلب ابتدی . بر کون حضرت خلیفه یه کیدوب [یمامه محاربه سنده یتشدن زیاده قرا شهید اولدی ، بوندن صکره وقوع بوله جق محاربه لرده دخی حمه قرآنک بویله شهید اوله اوله نهایت قرآن کریمک اکثری ضایع اولوب کیده جکندن قورقیور ووجهته قرآن کریمک جمعنی امرایتمکزک لزومی رأینده بولنیورم] دیدی .

حضرت خلیفه دخی بورائی تصویب ایدوب همان وحی کاتلرندن وقفهای صحابه دن زید ابن ثابتی دعوت ابتدی و بو امر مهمی آنک عهده سنه تودیع بیوردی .

زید اوکوندن اعتباراً جمع قرآنه مباشرت ابتدی . حضور رسول الله یازیلوبده ایادی ناسده بولنان صحائف شریفه یی کاملاً طوبلادی ، او صحیفه لردن سور قرآنیه یی کافی السابق یکدن آیری آیری صحیفه لره یازدی و جهله سنی کتیروب حضرت صدیقه تسلیم ابتدی .

حضرت صدیق بوصائف مجموعه سنی یاننده حفظ ایلدی . وایشته بومعناجه یعنی صحائف قرآنیه یی محل واحده جمع ایتک معنا سنجه حضرت صدیق [اول من جمع کتاب الله] نامنی آلدی . حضرت صدیقک بو خدمتی بتون مسلمانلر طرفندن نمونیتله تلقی ایدلدیکی کبی حضرت علینک دخی فوق العاده محظوظیتنی موجب اولمش و حتی صدیقک وفاتندن صکره : « اعظم الناس فی المصاحف اجرا ابو بکر رحمة الله علی ابی بکر هو اول من جمع کتاب الله » یعنی : « مصاحف شریفه یه خدمت خصوصنده اک زیاده اجره نائل اولان ابوبکر در . الله ابوبکره رحمت ایلسون کتاب الله ی اول جمع ایدن اودر » دیه حق عالیرنده ثنا ودعاده بولنمشلردر .

بو حدیث کتب سته صحیحهدن سنن ابو داووده کتاب المصاحفده محرردر وسند صحیح ایله حضرت علی یه متصلدر . سنن ابوداووددن بشقه ده برچوق کتب معتبره ده دخی موجوددر .

خلاصه عصر نییده حضور رسالته آیری آیری صحیفه لرده یازلمش اولان قرآن کریمی او صحیفه لردن بالاستنساخ دیگر صحیفه لره یازدیران و بونلری بریره طوبلایوبده حفظ ایدن حضرت ابوبکر در . ایشته حضرت ابو بکرک [اول من جمع القرآن] اولسنک معناسی دخی بودر .

اجماع امت دخی بونک اوزرینه اولوب بومسئله ده کیمسه اختلاف ایتماشدر . فی الواقع بوکا معارض کبی کورینان بعض روایتلر واردر ، آنلرده یکدیگریته مخالف ایکی روایتدرکه بری بوشرفه ایلمک نائل اولانک حضرت علی اولدیغنه و دیگر یه ده بونک سالم مولی ابی حذیفه دن عبارت بولندیغنه دائر اولوب امیرخان بوروایتلرک ایکسینی ده بوراده یازمشدر .

قرآنی ایلمک جمع ایدنک حضرت علی اولدیغنه دائر اولان (لما کان بعد بیعة ابی بکر قعد علی الخ) روایتی محاکمه ایدلم :

بو روایتی سیوطی ، اتقاننده ابن ضریسندن نقلاً یازمش و ابن ضریسک ایسه روایت حدیث خصوصنده مبالا تنزلنی جهله نک معلومی بولنمش و باخصوص آنک بو روایتی اجماع و تواتره کلیاً مغایر دوشمش

اولمغه بوکا اعتبار ایدیلهمیه جکی درکاردر . مؤخرأ زید ابن ثابت واسطه سیله قرآنک جمع ایدلمش اولمسی ده بوکا آیروجه بر دلیدر .

زیرا اگر اوصرمده حضرت علی قرآنی جمع ایتمش اولسه ایدی مؤخرأ حضرت صدیق زید ابن ثابت قرآنی جمع ایستدیرمز ایدی . مع هذا بونک صحتی تسلیم ایدلسه بیله بوروایتدن مجرد اوصرمده یعنی حضرت صدیقک خلیفه تعیین اولوبنده کندیسنه بیعت اجرا ایدلدیکی اثنا ده حضرت علینک — جمع قرآن ایله مشغول بولندیغنی ایچون — حضرت صدیقه بیعتی تأخیر ایتمش اولدیغنی ثابت اولیور . یوقسه قرآنی جمع ایدوبده بیتمش اولدیغنی ثابت اولیورکه بوروایتله قرآنی اول جمع ایدن حضرت صدیق اولدیغنه دائر ابن ابی داودک نقل ایستدیکی وبتون محدثین کرامک حسن قبول ایله تلقی ایدلدیکی روایت سابقه آرمسنده مخالفت بولنمش اولسون .

قرآنی ایلمک جمع ایدن سالم مولی ابی حذیفه اولدیغنه دائر ابن اشته دن نقلاً امیر خالک یازدیغنی ایکنجی روایت کلنجه : بوروایت دخی بی اساسدر . حتی سیوطی بیله بونی غرائب دن ، عجائب دن عد ایتمشدر . زیرا بالاده بیان اولندیغنی اوزره سالم مولی ابی حذیفه یمامه محاربه سنده شهید اولمش ایدی ، یمامه محاربه سی ایسه ارتحال نیی متعاقب ظهور ایدن ارتداد غائله سی اثنا سنده وقوعه کلمش ایدی . بناءً علیه بو روایتک صحتنی فرض ایدر ایسه ک سالم مولی ابی حذیفه نک زمان رسالته یعنی ارتحال نیی دن اول قرآنی مصحف واحده جمع ایتمش اولدیغنی قبول ایتمش اولورز . بو ایسه باطلدر . زیرا او زمان حضرت پیغمبر بیله قرآنی مصحف واحده جمع ایتمش ایدی . نزمه قالدی که مولی ابی حذیفه بونی یامش اولسون . حضرت پیغمبرک یامدیغنی بر شیئی آنک اذنی اولقسزین یامق کیمک حدی ایدی .

برده اگر مولی ابی حذیفه قرآنی مصحف واحده جمع ایتمش اولسه ایدی بو مصحف شریف البتده کوریلور و یاخود مشار الیهک بویله بر مصحف شریف یازدیغنی سویلتور ایدی ؛ حالوکه بویله بر مصحف نه کورلدی نه ده موجودیتی سویلتدی . چونکه اگر بومصحف شریف کورلسه و یاخود موجودیتی ایشیدلسه ایدی حضرت صدیق آنی بولدیروب یاننده حفظ ایدر ایدی ده قرآن کریمی یکدن طوبلامق کلفتنی اختیار بیورماز ایدی .

موسی هاشم

هاشم . — الیوم وارنده بولندیغنی آدرسندن اکلاشیلان امیرخان جنابلری طرفندن اسلامیت علمنده یازلمش ایکی رساله ده اداره خانه یه کوندردی . ردی صدندده بولندیغنز قرآنک معرفته دائر اولان شو رساله سی حقنده کی جوابز نهایت بولقدن صوکرآ آنلرک دخی بطلانی منه لکرم اثبات اولنه جقدر .

جمعیه

مجله جمعیتی

مقننه برخطره عامه

مجلس مبعوثانمزجه ، یکیدن بر مجله جمعیتک تشکیلی طلب اولنیور .. نه کوزل بر تشبث .. بونی یالکز عثمانیلر دکل ، بتون عالم اسلامیت